

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 Mal 1061944 23 I
Sarajevo , 05.02.2025. godine

OPĆINSKI SUD U SARAJEVU, sudija Kenan Hodžić, u izvršnom postupku tražitelja izvršenja DIONIČKO DRUŠTVO BH TELECOM SARAJEVO DIREKCIJA SARAJEVO (u daljem tekstu: tražitelj izvršenja), ulica Franca Lehara broj 7, protiv izvršenika H.M. (u daljem tekstu: izvršenik), Sarajevo, radi izvršenje na novčanim sredstvima, vrijednost predmeta spora 2.453,10 KM, dana 05.02.2025. godine, donosi slijedeći

ZAKLJUČAK O PRODAJI POKRETNIH STVARI

I - Utvrđuje se da vrijednost pokretnih stvari izvršenika koje su popisane u zapisniku sudskog izvršitelja od 16.04.2024. godine iznosi:

1. TV GRUNDIG 50“ 350,00 KM;
2. TROSJED 300,00 KM;
3. DVOSJED 200,00 KM;
4. FOTELJA 150,00 KM;

pa se **ODREĐUJE PRVO ROČIŠTE** za prodaju pokretnih stvari izvršenika usmenim javnim nadmetanjem

ZA DAN: 10.03.2025. GODINE U 09:20 SATI.

Ročište za prodaju će se održati putem usmenog javnog nadmetanja **u zgradi Općinskog suda Sarajevo, ulica Šenoina broj 1 - Služba sudskih izvršitelja, kancelarija broj 454/IV.**

II - Pokretne stvari iz stava I nalaze se na adresi ulica Kršilovac broj 1, Sarajevo

III - Na prvoj prodaji ne mogu se pokretne stvari navedene u stavu I ovog zaključka prodati ispod 1/2 iznosa njihove cijene.

IV - Ponuđač sa najvećom ponudom će uplatiti novčani iznos prodajne cijene u roku od 8 (osam) dana od objavljivanja rezultata prodaje. Ako ponuđač sa najvećom ponudom ne uplati novčani iznos prodajne cijene u predviđenom roku, sud će zaključkom prodaju tom ponuđaču oglasiti nevaljanom, a drugog ponuđača proglasiti kupcem, koji treba da u roku od 8 (osam) dana uplati kod suda novčani iznos/cijenu koju je ponudio, a ukoliko ni drugi ponudilac u predviđenom roku ne izvrši uplatu, sud primjenjuje ova pravila i na trećeg i daljeg ponuđača.

V - Ako se na prvom ročištu pokretne stvari ne bude mogle prodati, sud će na zahtjev stranke, koji može podnijeti u roku od 8 (osam) dana od dana kada je održano neuspjelo ročište, zakazati drugo ročište za javno nadmetanje, na kojem se iste mogu prodati bez ograničenja u odnosu na njihovu vrijednost. Sud će obustaviti postupak ako nijedna stranka ne predloži održavanje drugog javnog nadmetanja u navedenom roku.

VI - U javnom nadmetanju iz stava I ovog zaključka mogu sudjelovati samo osobe koje su prethodno položile osiguranje, koje iznosi 1/10 od vrijednosti stvari koje se žele kupiti. Osobe koje sudjeluju u javnom nadmetanju, dužne su, prije početka ročišta, sudu predati po jedan primjerak uplatnice iz koje je vidljivo da je osiguranje položeno. Osiguranje se polaže na depozitni račun Općinskog suda u Sarajevu broj 1411965320009639 otvoren kod BBI banke d.d. Sarajevo, sa naznakom broja predmeta. Od polaganja osiguranja u ovoj izvršnoj stvari oslobođen je tražitelj izvršenja.

VII - Ovaj zaključak objavit će se na oglasnoj ploči suda, a stranka može o svom trošku objaviti zaključak o prodaji u sredstvima javnog informisanja.

SUDIJA

Aleksandra Kolašinac

POUKA:

Protiv zaključka nije dozvoljen pravni lijek.

